

四庫全書

集部

欽定四庫全書

御定全唐詩卷一百六十六

李白

襄陽歌

落日欲沒峴山西倒著接羅花下迷襄陽小兒齊拍手
攔街爭唱白銅鞮傍人借問笑何事笑殺山翁

一作公醉

似泥鷓鴣杓鸚鵡杯百年三萬六千日一日須傾三百
杯遙看漢水鴨頭綠恰似葡萄初醖

一作撥

醖此江若變

卷一百六十五
作春酒壘麴便築糟丘臺千金駿馬換小一作少妾笑一作

醉坐雕鞍歌落梅車傍側挂一壺酒鳳笙龍管行相催

咸陽市中歎黃犬何如月下傾金壘君不見晉朝羊公

一片石龜頭一作龍剝落生莓苔淚亦不能為之墮心亦

不能為之哀一本此下有誰能憂彼身後清風朗一作明

月不用一錢買玉山自倒非人推舒州杓力士鎗李白

與爾同死生襄王雲雨今安在江水東流猿夜聲

南都行

南都信佳麗武闕橫西關白水真人居萬商羅鄜闌高樓對紫陌甲第連青山此地多英豪邈然不可攀陶朱與五穀名播天壤間麗華秀玉色漢女嬌朱顏清歌遏流雲艷舞有餘閒遨遊盛宛洛冠蓋隨風還走馬紅陽城呼鷹白河灣誰識臥龍客長吟愁鬢斑

江上吟

木蘭之枻沙棠舟玉簫金管坐兩頭美酒尊中置千斛載妓隨波任去留仙人有待乘黃鶴海客無心隨白鷗

屈平詞賦懸日月楚王臺榭空山丘興酣落筆搖五嶽
詩成笑傲凌滄洲功名富貴若長在漢水亦應西北流

侍從宜春苑奉詔賦龍池柳色初青聽新鶯百
啣歌

東風已綠瀛洲草紫殿紅樓覺春好池南柳色半青青
縈烟嫋娜拂綺城垂絲百尺挂雕楹上有好鳥相和鳴
間關早得春風情春風卷入碧雲去千門萬戶皆春聲
是時君王在鎬京五雲垂暉耀紫清仗出金宮隨日轉

天回玉輦繞花行始向蓬萊看舞鶴還過滄若聽新鶯
新鶯飛繞上林苑願入簫韶雜鳳笙

玉壺吟

烈士擊玉壺壯心惜暮年三杯拂劍舞秋月忽然高詠
涕泗漣鳳凰初下紫泥詔謁帝稱觴登御筵揄揚九重
萬乘主謔浪赤墀青瑣賢朝天數換飛龍馬勅賜珊瑚
白玉鞭世人不識東方朔大隱金門是謫仙西施宜笑
復宜嘖醜女效之徒累身君王雖愛蛾眉好無奈宮中

妬殺人

幽歌行上新平長史兄粲

幽谷稍稍振庭柯
涇水浩浩揚湍波
哀鴻酸嘶暮聲急
愁雲蒼慘寒氣多
憶昨去家此為客
荷花初紅柳條碧
中宵出飲三百杯
明朝歸揖二千石
寧知流寓變光輝
胡霜蕭颯繞客衣
寒灰寂寞憑誰暖
落葉飄揚何處歸
吾兄行樂窮曠旭
滿堂有美顏如玉
趙女長歌入綵雲
燕姬醉舞嬌紅燭
孤裘獸炭酌流霞
壯士悲吟寧見嗟

前榮後枯相翻覆何惜餘光及棣華

西嶽雲臺歌送丹丘子

西嶽崢嶸何壯哉黃河如絲天際來黃河萬里觸山動
盤渦轂轉秦地雷榮光休氣紛五彩千年一清聖人在

巨靈咆哮擘兩山洪波噴箭

一作流

射東海三峯却立如

欲摧翠厓丹谷高掌開白帝金精運元氣石作蓮花雲
作臺雲臺閣道連窈冥中有不死丹丘生明星玉女備
灑掃麻姑搔背指爪輕我皇手把天地戶丹丘談天與

天語九重出入生光輝東來蓬萊復西歸玉漿僮僮故人飲騎二茅龍上天飛

元丹丘歌

元丹丘愛神仙朝飲潁川之清流暮還嵩岑之紫烟三十六峰長周旋長周旋躡星虹身騎飛龍耳生風橫河跨海與天通我知爾遊心無窮

扶風豪士歌

洛陽三月飛胡沙洛陽城中人怨嗟天津流水波赤血

白骨相撐如亂麻我亦東奔向吳國浮雲四塞道路賒
東方日出啼早鴉城門人開掃落花梧桐楊柳拂金井
來醉扶風豪士家扶風豪士天下竒意氣相傾山可移
作人不倚將軍勢飲酒豈顧尚書期雕盤綺食會衆客
吳歌趙舞香風吹原嘗春陵六國時開心寫意君所知
堂中各有三千士明日報恩知是誰撫長劍一揚着清
水白石何離離脫吾帽向君笑飲君酒為君吟張良未
逐赤松去橋邊黃石知我心

同族弟金城尉叔卿燭照山水壁畫歌

高堂粉壁圖蓬瀛，燭前一見滄洲清。
洪波洶湧山崢嶸，皎若丹丘隔海望。
赤城光中乍喜嵐氣滅，謂逢山陰晴。
後雪迴溪碧流寂，無喧又如秦人月下窺。
桃花源了然不覺清，心魂祇將疊嶂鳴。
秋猿與君對此歡未歇，放歌行吟達明發。
却顧海客揚雲帆，便欲因之向溟渤。

白毫子歌

淮南小山白毫子，乃在淮南小山裏。
夜臥松下雲

一作雪

朝餐石中髓小山連繇向江開碧峰巉巖綠水迴余配
白毫子獨酌流霞杯拂花弄琴坐青苔綠蘿樹下春風
來南窗蕭颯松聲起憑厓一聽清心耳可得見未得親
八公攜手五雲去空餘桂樹愁殺人

梁園吟

我浮黃雲

一作河

去京闕挂席欲進波連山天長水濶厭

遠涉訪古始及平臺間平臺為客憂思多對酒遂作梁
園歌却憶蓬池阮公詠因吟淶水揚洪波洪波浩蕩迷

舊國路遠西歸安可得人生達命豈暇愁且飲美酒登
高樓平頭奴子搖大扇五月不熱疑清秋玉盤楊梅為
君設吳鹽如花皎白雪持鹽把酒但飲之莫學夷齊事

高潔

一作何用孤
高比雲月

昔人豪貴信陵君今人耕種信陵墳

荒城虛照碧山月古木盡入蒼梧雲梁王宮闕今安在
枚馬先歸不相待舞影歌聲散綠池空餘汴水東流海
沈吟此事淚滿衣黃金買醉未能歸連呼五白行六博
分曹賭酒酣馳輝歌且謠意方遠東山高臥時起來欲

濟蒼生未應晚

鳴臯歌送岑徵君

時梁園三尺雪
在清泠池作

若有人兮思鳴臯阻積雪兮心煩勞
洪河凌競不可以
徑度冰龍鱗兮難容舳
邈仙山之峻極兮聞天籟之嘈
嘈霜厓鷓鴣以合沓兮若長風扇海湧滄溟之波濤
玄猿綠羆舐同舌同演同峯岌危柯振石駭膽慄魄羣呼而相
號峯崢嶸以路絕挂星辰於巖叢送君之歸兮動鳴臯
之新作交鼓吹兮彈絲觴清泠之池閣君不行兮何待

若反顧之黃鶴掃梁園之羣英振大雅於東洛巾征軒
兮歷阻折尋幽居兮越巘崿盤白石兮坐素月琴松風
兮寂萬壑望不見兮心氛氲羅宜冥兮霰紛紛水橫洞
以下淥波小聲而上聞虎嘯谷而生風龍藏溪而吐雲
寡鶴清唳飢鼯嘖呻菟獨處此幽默兮愀空山而愁人
雞聚族以爭食鳳孤飛而無隣蝮蛇嘲龍魚目混珍嫫
母衣錦西施負薪若使巢由桎梏於軒冕兮亦奚異乎
夔龍蹶躅於風塵哭何苦而救楚笑何誇而却秦吾誠

不能學二子沽名矯節以耀世兮固將棄天地而遺身
白鷗兮飛來長與君兮相親

鳴臯歌奉餞從翁清歸五厓山居

河南府陸渾
縣有鳴臯山

憶昨鳴臯夢裏還手弄素月清潭間覺時枕席非碧山
側身西望阻秦關麒麟閣上春還早著書却憶伊陽好

青松來風吹古

一作石

道綠蘿飛花覆烟草我家仙翁

一作

公愛清真才雄草聖凌古人欲臥鳴臯絕世塵鳴臯微
茫在何處五厓峽

一作谿

水橫樵路身披翠雲裘袖拂紫

烟去去時應過嵩少間
相思為折三花樹

勞勞亭歌

在江寧縣南十五里古送別之所一名臨滄觀

金陵勞勞送客堂
蔓草離離生道傍
古情不盡東流水
此地悲風愁白楊
我乘素舸同康樂
朗詠清川飛夜霜
昔聞牛渚吟五章
今來何謝袁家郎
苦竹寒聲動秋月
獨宿空簾歸夢長

橫江詞六首

人道

一作言

橫江好儂道
橫江惡一風三日

一作一月

吹倒山

一作猛風吹
倒天門山白浪高於瓦官閣

海潮南去過潯陽牛渚由來險馬當橫江欲渡風波惡

一水牽愁萬里長

橫江西望阻西秦漢

一作楚

水東連

一作流

楊子津白浪如

山那可渡狂風愁殺峭帆人

海神來

一作東

過惡風迴浪打天門石壁開浙江八月何

如此濤似連山噴雪來

橫江館前津吏迎向余東指海雲生郎今欲渡緣何事

如此風波不可行

月

一作日

暈天風霧不開海鯨東感百川迴驚波一起三

山動公無渡河歸去來

金陵城西樓月下吟

金陵夜寂涼風發獨上高樓望吳越白雲暎水搖空城
白露垂珠滴秋月月下沈吟久不歸古來相接眼中稀
解道澄江淨如練令人長憶謝玄暉

東山吟

土山去之所

江寧城二十五里晉謝安攜妓一作醉過謝安東山作東山吟

攜妓東土山

一作東山去

悵然悲謝安我妓今朝如花月他

妓古墳荒草寒白雞夢後三百歲洒酒澆君同所歡酣
来自作青海舞秋風吹落紫綺冠彼亦一時此亦一時
浩浩洪流之詠何必奇

僧伽歌

真僧法號號僧伽有時與我論三車問言誦咒幾千徧
口道恒河沙復沙此僧本住南天竺為法頭陀來此國
戒得長天秋月明心如世上青蓮色意清淨貌稜稜亦

不減亦不增瓶裏千年鐵柱

一作舍利

骨手中萬歲胡孫藤

嗟予落魄江淮

一作湖

久罕遇真僧說空有一言懺盡波

羅夷再禮渾除犯輕垢

白雲歌送劉十六歸山

楚山秦山皆白雲白雲處處長隨君長隨君君入楚山
裏雲亦隨君渡湘水湘水上女蘿衣白雲堪臥君早歸

一作白雲歌送友人云楚山秦山皆白雲白雲處處長
隨君君今還入楚山裏雲亦隨君渡湘水水上女蘿衣

白雲早臥早

行君早起

金陵歌送別范宣

石頭巉巖如虎踞
凌波欲過滄江去
鍾山龍盤走勢來
秀色橫分歷陽樹
四十餘帝三百秋
功名事跡隨東流

白馬小兒誰家子
秦清之歲來關囚

一作吹脣虎
嘯鳳皇樓

金陵

昔時何壯哉
席卷英豪天下來
冠蓋散為烟霧盡
金輿玉座成寒灰
扣劍悲吟空咄嗟
梁陳白骨亂如麻
天子龍沈景陽井
誰歌玉樹後庭花
此地傷心不能道
目下

離離長春草
送爾長江萬里心
他年來訪南山老

一作皓

笑歌行

以下二首蘇軾云是偽作

笑矣乎笑矣乎君不見曲如鉤古人知爾封公侯君不見直如弦古人知爾死道邊張儀所以只掉三寸舌蘇秦所以不墾一頃田笑矣乎笑矣乎君不見滄浪老人歌一曲還道滄浪濯吾足平生不解謀此身虛作離騷遣人讀笑矣乎笑矣乎趙有豫讓楚屈平賣身買得名年名巢由洗耳有何益夷齊餓死終無成君愛身後名我愛眼前酒飲酒眼前樂虛名何處有男兒窮通當有

時曲腰向君君不知猛虎不看几上肉洪鑪不鑄囊中
錐笑矣乎笑矣乎甯武子朱買臣扣角行歌背負薪今
日逢君君不識豈得不如佯狂人

悲歌行

悲來乎悲來乎主人有酒且莫斟聽我一曲悲來吟悲
來不吟還不笑天下無人知我心君有數斗酒我有三
尺琴琴鳴酒樂兩相得一杯不啻千鈞金悲來乎悲來
乎天雖長地雖久金玉滿堂應不守富貴百年能幾何

死生一度人皆有孤猿坐啼墳上月且須一盡杯中酒
悲來乎悲來乎鳳皇不至河無圖微子去之箕子奴漢
帝不憶李將軍楚王放却屈大夫悲來乎悲來乎秦家
李斯早追悔虛名撥向身之外范子何曾愛五湖功成
名遂身自退劍是一夫用書能知姓名惠施不肯千萬
乘卜式未必窮一經還須黑頭取方伯莫謾白首為儒
生

御定全唐詩卷一百六十六

欽定四庫全書

御定全唐詩卷一百六十七

李白

秋浦歌十七首

秋浦長似秋蕭條使人愁客愁不可度行上東大樓正
西望長安下見江水流寄言向江水汝意憶儂不遙傳
一掬淚為我達揚州

秋浦猿夜愁黃山堪白頭清溪非隴水翻作斷腸流欲

去不得去薄遊成久遊何年是歸日雨淚下孤舟

秋浦錦駝鳥人間天上稀山雞羞涿水不敢照毛衣
兩鬢入秋浦一朝颯已衰猿聲催白髮長短盡成絲
秋浦多白猿超騰若飛雪牽引條上兒飲弄水中月
愁作秋浦客強看秋浦花山川如剡縣風日似長沙
醉上山公馬寒歌寧戚牛空吟白石爛淚滿黑貂裘
秋浦千重嶺水車嶺最竒天傾欲墮石水拂寄生枝
江祖一片石青天掃畫屏題詩留萬古綠字錦苔生

千千石楠樹萬萬女貞林
山山白鷺滿澗澗白猿吟
君莫向秋浦猿聲碎客心

邏人

一作

橫鳥道江祖出魚梁水急客舟

一作

疾山花

拂面香

水如一匹練此地即平天
耐可乘明月看花上酒船
淶水淨素月月明白鷺飛
郎聽採菱女一道夜歌歸
爐火照天地紅星亂紫烟
赦郎明月夜歌曲動寒川
白髮三千丈緣愁似个長
不知明鏡裏何處得秋霜

秋浦田舍翁採魚水中宿妻子張白鷗結罟暎深竹

桃波

一作陂

一步地了了語聲聞閣與山僧別低頭禮白

雲

當塗趙炎少府粉圖山水歌

峩眚高出西極天羅浮直與南溟連名公繹思揮彩筆
驅山走海置眼前滿堂空翠如可掃赤城霞氣蒼梧烟
洞庭瀟湘意渺綿三江七澤情洄洑驚濤洶湧向何處
孤舟一去迷歸年征帆不動亦不旋飄如隨風落天邊

心搖目斷興難盡幾時可到三山巔西峯崢嶸噴流泉
橫石感水波潺湲東厓合杳蔽輕霧深林雜樹空芊綿
此中冥昧失晝夜隱几寂聽無鳴蟬長松之下列羽客
對坐不語南昌仙南昌仙人趙夫子妙年歷落青雲士
訟庭無事羅衆賓杳然如在丹青裏五色粉圖安足珍
真仙可以全吾身若待功成拂衣去武陵桃花笑殺人

永王東巡歌十一首

永王璘明皇子也天寶十
五載安祿山反詔璘領山

南嶺南黔中江南四道節度使十一月璘至江
陵募士得數萬遂有窺江左意十二月引舟師

東
巡

永王正月東出師天子遙分龍虎旗樓船一舉風波靜
江漢翻為雁鷺池

三川北虜亂如麻四海南奔似永嘉但用東山謝安石
為君談笑靜胡沙

雷鼓嘈嘈喧武昌雲旗獵獵過潯陽秋毫不犯三吳悅
春日遙看五色光

龍蟠虎踞帝王州帝子金陵訪古丘春風試暖昭陽殿

明月還過鳩鵲樓

二帝巡遊俱未迴
五陵松柏使人哀
諸侯不救河南地
更喜賢王遠道來

丹陽北固是吳關
畫出樓臺雲水間
千巖烽火連滄海
兩岸旌旗繞碧山

王出三山按五湖
樓船跨海次陪都
戰艦森森羅虎士
征帆一一引龍駒

長風挂席勢難迴
海動山傾古月推
君看帝子浮江日

何似龍驤出峽來

祖龍浮海不成橋，漢武尋陽空射蛟。
我王樓艦輕秦漢，

却似文皇欲渡遼。

此首蕭士贇云是偽作

帝寵賢王入楚關，掃清江漢始應還。
初從雲夢開朱邸，

更一作直取金陵作小山。

試借君王玉馬鞭，指揮戎虜坐瓊筵。
南風一掃胡塵靜，

西入長安到日邊。

上皇西巡南京歌十首

天寶十五載六月己亥
祿山陷京師七月庚辰

次蜀郡八月癸巳皇太子即皇帝位於靈武十
二月丁未上皇天帝至自蜀郡大赦以蜀郡為

京南

胡塵輕拂建章臺
聖主西巡蜀道來
劔壁門高五千尺
石為樓閣九天開

九天開出一成都
萬戶千門入畫圖
草樹雲山如錦繡
秦川得及此間無

華陽春樹號

一作似

新豐行入新都
若舊宮柳色未饒秦

地綠花光不減上陽

一作林紅

誰道君王行路難
六龍西幸萬人歡
地轉錦江成渭水
天迴玉壘作長安

萬國同風共一時
錦江何謝曲江池
石鏡更明天上月

後宮親

一作新

得照蛾眉

濯錦清江萬里流
雲帆龍舸下揚州
北地雖誇上林苑
南京還有散花樓

錦水東流繞錦城
星橋北挂象天星
四海此中朝聖主
峨眉山下列仙庭

秦開蜀道置金牛
漢水元通星漢流
天子一行遺聖跡
錦城長作帝王州

水綠天青不起塵
風光和暖勝三秦
萬國烟花隨玉輦
西來添作錦江春

劍閣重關蜀北門
上皇歸馬若雲屯
少帝長安開紫極
雙懸日月照乾坤

峩翁山月歌

峩翁山月半輪秋
影入平羌江水流
夜發清溪向三峽

思君不見下渝州

我着山月歌送蜀僧晏入中京

我在巴東三峽

一作月

時西看明月憶我着月出我着照

滄海與人萬里長
相隨黃鶴樓前月
華白此中忽見我
着客我着山月還
送君風吹西到長
安陌長安大道橫
九天我着山月照
秦川黃金獅子乘
高座白玉麈尾談
重玄我似浮雲殢
吳越君逢聖主遊
丹闕一振高名滿
帝都歸時還弄我
着月

赤壁歌送別

二龍爭戰決雌雄
赤壁樓船掃地空
烈火張天照雲海
周瑜於此破曹公
君去滄江望一作美
澄碧鯨鯢唐突留
餘跡一一書來報
故人我欲因之壯
心鬼

江夏行

憶昔嬌小姿
春心亦自持
為言嫁夫壻
得免長相思
誰知嫁商賈
令人却愁苦
自從為夫妻
何曾在鄉土
去年下揚州
相送黃鶴樓
眼看帆去遠
心逐江水流
只言期

一載誰謂歷三秋使妾腸欲斷恨君情悠悠東家西舍
同時發北去南來不逾月未知行李遊何方作箇音書
能斷絕適來往南浦欲問西江船正見當壚女紅粧二
八年一種為人妻獨自多悲悽對鏡便垂淚逢人只欲
啼不如輕薄兒日暮長相隨悔作商人婦青春長別離
如今正好同懽樂君去容華誰得知

懷仙歌

一鶴東飛過滄海放心散漫知何在仙人浩歌望我來

應攀玉樹長相待堯舜之事不足驚自餘囂囂直可輕
巨鼇莫戴三山去我欲蓬萊頂上行

玉真仙人詞

玉真之仙人時往太華峰清晨鳴天鼓颺歛騰雙龍弄
電不輟手行雲本無蹤幾時入少室王母應相逢

清溪行

一作宣
州清溪

清溪清我心水色異諸水借問新安江見底何如此人
行明鏡中鳥度屏風裏向晚猩猩啼空悲遠遊子

訓殷明佐見贈五雲裘歌

我吟謝朓詩上語朔風颯颯吹飛雨謝朓已沒青山空
後來繼之有殷公粉圖珍裘五雲色曄如晴天散彩虹
文章彪炳光陸離應是素娥玉女之所為輕如松花落
金粉濃似苔錦含碧滋遠山積翠橫海島殘霞飛丹暎
江草凝毫採掇花露一作霧容幾年功成奪天造故人贈
我我不違著令山水含清暉頓驚謝康樂詩興生我衣
襟前林壑斂暝色袖上雲霞收夕霏羣仙長歎驚此物

千厓萬嶺相縈鬱，身騎白鹿行飄颻。
手翳紫芝笑披拂，相如不足誇鸛鷖。
王恭鶴氅安可方，瑤臺雪花數千點。
片片吹落春風香，為君持此凌蒼蒼。
上朝三十六玉皇，下窺夫子不可及。
矯首相思空斷腸。

臨路歌

大鵬飛兮振八裔，中天摧兮力不濟。
餘風激兮萬世遊。

扶搏

一作

桑兮挂石

一作

袂後人得之傳此仲尼亡兮誰

為出涕

古意

君為女蘿草妾作兔絲花輕條不自引為逐春風斜百
丈託遠松纏綿成一家誰言會面一作易各在青山厓
女蘿發馨香兔絲斷人腸枝枝相糾結葉葉競飄揚生
子不知根因誰共芬芳中巢雙翡翠上宿紫鴛鴦若識
二草心海潮亦可量

山鷓鴣詞

苦竹嶺頭秋月輝苦竹南枝鷓鴣飛嫁得燕山胡雁壻

欲銜我向雁門歸
山雞翟雉來相勸
南禽多被北禽欺
紫塞嚴霜如劒戟
蒼梧欲巢難背違
我今誓死不能去
哀鳴驚叫淚沾衣

歷陽壯士勤將軍名思齊歌

并序
蕭士贇云是偽作

歷陽壯士勤將軍神力出於百夫
則天太后召見
竒之授遊擊將軍賜錦袍玉帶
朝野榮之後拜橫
南將軍大臣慕義結十友
即燕公張說館陶公郭
元振為首
余壯之遂作詩

太古歷陽郡化為洪川在江山猶鬱盤龍虎祕光彩蓄
洩數千載風雲何霍霽特生勤將軍神力百夫倍

草書歌行

少年上人號懷素草書天下稱獨步墨池飛出北溟魚
筆鋒殺盡中山兔八月九月天氣涼酒徒詞客滿高堂
牋麻素絹排數廂宣州石硯墨色光吾師醉後倚繩牀
須臾掃盡數千張飄風驟雨驚颯颯落花飛雪何茫茫
起來向壁不停手一行數字大如斗怳怳如聞神鬼驚

時時只見龍蛇走左盤右感如驚電狀同楚漢相攻戰
湖南七郡凡幾家家屏障書題徧王逸少張伯英古
來幾許浪得名張顛老死不足數我師此義不師古古
來萬事貴天生何必要公孫大娘渾脫舞

和盧侍御通塘曲

君誇通塘好通塘勝耶溪通塘在何處遠在尋陽西青
蘿孌孌挂烟樹白鷗處處聚沙堤石門中斷平湖出百
丈金潭照雲日何處滄浪垂釣翁鼓櫂漁歌趣非一相

逢不相識出沒繞通塘浦邊清水明素足別有浣沙吳
女郎行盡綠潭潭轉幽疑是武陵春碧流秦人雞犬桃
花裏將比通塘渠見羞通塘不忍別十去九逢回偶逢
佳境心已醉忽有一鳥從天來月出青山送行子四邊
苦竹秋聲起長吟白雪望星河雙垂兩足揚素波梁鴻
德耀會稽日寧知此中樂事多

御定全唐詩卷一百六十七

欽定四庫全書

集部

御定全唐詩卷一百六十八至
七十一

詳校官庶吉士臣胡鈺

主事銜臣徐以坤覆勘

總校官知縣臣繆琪

校對官中書臣高中

謄錄監生臣蔡齊明

欽定四庫全書

御定全唐詩卷一百六十八

李白

贈孟浩然

吾愛孟夫子風流天下聞
紅顏棄軒冕白首臥松雲
醉月頻中聖迷花不事君
高山安可仰徒此揖清芬

贈從兄襄陽少府皓

結髮未識事所交盡豪雄
却秦不受賞擊晉一作寧為

功一本此下有脫身白刃裏殺人紅塵中當朝揖高義舉世稱英雄四句小節豈足言退

耕春陵東歸來無產業生事如轉蓬一朝烏裘敝百鎰黃金空彈劍徒激昂出門悲路窮吾兄青雲士然諾聞諸公所以陳片言片言貴情通棣華儻不接甘與秋草同

淮海對雪贈傅靄

一作淮南對雪贈孟浩然

朔雪落吳天從風渡溟渤海樹成陽春江沙浩明月本

此下有飄飄四荒外想像千花發興從剡溪起思繞梁

瑤草生階墀玉塵散庭闕四句

園發寄君郢中歌曲罷心斷絕

一本此四句作剡溪興空在郢路歌未歇寄君

梁父吟曲
盡心斷絕

贈徐安宜

白田見楚老歌詠徐安宜製錦不擇地操刀良在茲清
風動百里惠化聞京師浮人若雲歸耕種滿郊岐川光
淨麥隴日色明桑枝訟息但長嘯賓來或解頤青橙一作
槐拂戶牖白水流園池遊子滯安邑懷恩未忍辭翳君
樹桃李歲晚託深期

贈任城盧主簿

海鳥知天風竄身魯門東
臨觴不能飲矯翼思凌空
鐘鼓不為樂烟霜誰與同
歸飛未忍去流淚謝鴛鴻

早秋贈裴十七仲堪

遠海動風色吹愁落天涯
南星變大火熱氣餘丹霞
光景不可迴六龍轉天車
荆人泣美玉魯叟悲匏瓜
功業若夢裏撫琴發長嗟
裴生信英邁崛起多才華
歷抵海岱豪結交魯朱家
復攜两少女豔色驚荷葩

一作雙歌

入青雲但惜白日斜窮濱出寶貝大澤饒龍蛇明主儻
見收烟霞路非賒時命若不會歸應鍊丹砂

一作知飛
萬里道勿

使歲
寒嗟

贈范金卿二首

君子枉清盼不知東走迷離家來幾月絡緯鳴中閨桃
李君不言攀花願成蹊那能吐芳信惠好相招攜我有
結綠珍久藏濁水泥時人棄此物乃與燕珉齊披拭欲
贈之申脊路無梯遼東慙白豕楚客羞山雞徒有獻芹

心終流泣玉啼祇應自索漠留舌示山妻

范宰不買名弦歌對前楹為邦默自化日覺冰壺清百
里雞犬靜千廬機杼鳴浮人少蕩析愛客多逢迎遊子
覩嘉政因之聽頌聲

贈瑕丘王少府

皎皎鸞鳳姿飄飄神仙氣梅生亦何事來作南昌尉清
風佐鳴琴寂寞道為貴一見過所聞操持難與羣毫揮
魯邑訟目送瀛洲雲我隱屠釣下爾當玉石分無由接

高論空此仰清芬

東魯見狄博通

去年別我向何處有人傳道遊江東
謂言挂席度滄海却來應是無長風

見京兆韋參軍量移東陽二首

潮水還歸海流人却到吳相逢問愁苦
淚盡日南珠聞說金華渡東連五百灘
全勝若耶好莫道此行難猿嘯千谿合
松風五月寒他年一攜手搖艇入新安

贈丹陽橫山周處士惟長

周子橫山隱開門臨城隅連峯入戶牖勝槩凌方壺時
作白紵詞放歌丹陽湖水色傲溟渤川光秀菰蒲當其
得意時心與天壤俱閒雲隨舒卷安識身有無抱石耻
獻玉沈泉笑探珠羽化如可作相攜上清都

玉真公主別館苦雨贈衛尉張卿二首

秋一作愁坐金張館繁陰晝不開空烟迷雨色蕭颯望中

來翳翳昏墊苦沈沈愛恨催清秋何以慰白酒盈吾杯

吟詠思管樂此人已成灰獨酌聊自勉誰貴經綸才彈
劍謝公子無魚良可哀

苦雨思白日浮雲何由卷稷高和天人陰陽乃一作仍驕

蹇秋霖劇倒井昏霧橫絕巘欲往咫尺塗遂成山川限

淥淥奔溜聞一作瀉浩浩驚波轉泥沙塞中途牛馬不可

辨飢從漂母食閒綴羽陵簡園家逢秋蔬藜藿不滿眼
蟪蛄結思幽蟋蟀傷福淺厨竈無青烟刀机生綠蘚投
筯解鷓鴣換酒醉北堂丹徒布衣者慷慨未可量何時

黃金盤一斛薦檳榔功成拂衣去搖曳滄洲傍

贈韋祕書子春二首

谷口鄭子真躬耕在巖石高名動京師天下皆籍籍斯
人竟不起雲臥從所適苟無濟代心獨善亦何益惟君
家世者偃息逢休明談天信浩蕩說劍紛縱橫謝公不
徒然起來為蒼生祕書何寂寂無乃羈豪英且復歸碧
山安能戀金闕舊宅樵漁地蓬蒿已應沒却顧女兒峯

胡顏見雲月

徒為風塵苦一官已白鬚氣同萬里合訪我來瓊都披

雲覩青天捫蝨話良圖留侯將綺里出處未云殊終與

安社稷功成去五湖

一本二詩
合作一首

贈韋侍御黃裳二首

太華生長松亭亭凌霜雪天與百尺高豈為微颺折桃

李賣陽艷路人行且迷春光掃

一作
拂

地盡碧葉成黃泥

願君學長松慎勿作桃李受屈不改心然後知君子

見君乘驄馬知上太山

一作
行

道此地果摧輪全身以為

寶我如豐年玉棄置秋田草但勗冰壺心無為歎衰老

贈薛校書

我有吳越曲無人知此音姑蘇成蔓草麋鹿空悲吟未
誇觀濤作空鬱釣鼉心舉手謝東海虛行歸故林

贈何七判官昌浩

有時忽惆悵匡坐至夜分平明空嘯咤思欲解世紛心
隨長風去吹散萬里雲羞作濟南生九十誦古文不然
拂劍起沙漠收竒勳老死阡陌間何因揚清芬夫子今

管樂英才冠三軍終與同出處豈將沮溺羣

讀諸葛武侯傳書懷贈長安崔少府叔封昆季

漢道昔云季羣雄方戰爭霸圖各未立割據資豪英赤
伏起頽運臥龍得孔明當其南陽時隴畝躬自耕魚水
三顧合風雲四海生武侯立岷蜀壯志吞咸京何人先
見許但有崔州平余亦草間人頗懷拯物情晚途值子
玉華髮同衰榮託意在經濟結交為弟兄母令管與鮑
千載獨知名

贈郭將軍

將軍少年出武威

一作豪蕩
有英威

入

一作昔

掌銀臺護紫微平

明拂劒朝天去薄暮垂鞭醉酒歸愛子臨風吹玉笛美

人向月舞羅衣疇昔雄豪如夢裏相逢且欲醉春暉一作

今日相逢俱失路
何年灞上弄春暉

駕去溫泉後贈楊山人

少年落魄楚漢間風塵蕭瑟多苦顏自言管葛竟誰許

長吁莫錯還閉關一朝君王垂拂拭剖心輸丹雪胸臆

忽蒙白日回景光直上青雲生羽翼幸陪鸞輦出鴻都
身騎飛龍天馬駒王公大人借顏色金章紫綬來相趨
當時結交何紛紛片言道合惟有君待吾盡節報明主
然後相攜臥白雲

溫泉侍從歸逢故人

漢帝長楊苑誇胡羽獵歸予雲叨侍從獻賦有光輝激
賞搖天筆承恩賜御衣逢君奏明主他日共翻飛

贈裴十四

朝見裴叔則，朗如行玉山。黃河落天走，東海萬里寫。入
胸懷，間身騎白黿。不敢度金高，南山買君顧。裴回六合
無相知，飄若浮雲且西去。

贈崔侍郎

黃河二

一作三

尺鯉本在孟津，居點額不成龍。歸來伴凡

魚，故人東海客。一見借吹噓，風濤儻相見。

一作因

更欲凌

崑墟

一本此下有「何當赤車使再往召相如」二句

述德魚陳情上哥舒大夫

天為國家孕英才森森矛戟擁靈臺浩蕩深謀噴江海
縱橫逸氣走風雷丈夫立身有如此一呼三軍皆披靡
衛青謾作大將軍白起真成一豎子

雪讒詩贈友人

嗟予沈迷猖獗已久五十知非古人嘗有立言補過庶
存不朽包荒匿瑕蓄此頑醜月出致譏貽愧皓首感悟
遂晚事往日遷白壁何辜青蠅屢前羣輕折軸下沈黃
泉眾毛飛骨上凌青天萋斐暗成貝錦粲然泥沙聚埃

珠玉不鮮洪燄爍山發自織烟蒼波蕩日起于微涓交
亂四國播于八埏拾塵掇蜂疑聖猜賢哀哉悲夫誰察
子之貞堅彼婦人之猖狂不如鵠之彊彊彼婦人之淫

昏不如鷄之奔奔坦蕩

一作皎皎

君子無悅簧言擢髮續

一作

贖罪罪乃孔多傾海流惡惡無以過人生實難逢此織

羅積毀銷金沈憂作歌天未喪文其如余何妲已滅紂
褒女惑周天維蕩覆職此之由漢祖呂氏食其在傍秦
皇太后毒亦淫荒蟠竦作昏遂掩太陽萬乘尚爾匹夫

何傷辭殫意窮心切理直如或妄談昊天是殛子野善
聽離婁至明神靡遁響鬼無逃形不我遐棄庶昭忠誠

贈參寥子

白鶴飛天書南荆訪高士五雲在峴山果得參寥子翫
駢辭故園昂藏入君門天子分玉帛百官接話言毫墨
時灑落探玄有竒作著論窮天人千春祕麟閣長揖不
受官拂衣歸林壑余亦去金馬藤蘿同所歡相思在何
處桂樹青雲端

贈饒陽張司戶燧

朝飲蒼梧泉夕棲碧海烟寧知鸞鳳意遠託椅桐前慕
藺豈曩古攀嵇是當年愧非黃石老安識子房賢功業
嗟落日容華棄祖川一語已道意三山期著鞭蹉跎人
間世寥落壺中天獨見遊物祖探元窮化先何當共攜
手相與排冥筌

贈清漳明府姪聿

我李百萬葉柯條布中州天開青雲器日為蒼生憂小

邑且割雞大刀佇烹牛雷聲動四境惠與清漳流弦歌
詠唐堯脫落隱簪組心和得天真風俗猶太古牛羊散
阡陌夜寢不扃戶問此何以然賢人宰吾土舉邑樹桃
李垂陰亦流芬河堤繞綠水桑柘連青雲趙女不治容
提籠書成羣縲絲鳴機杼百里聲相聞訟息鳥下堦高
臥披道帙蒲鞭挂簷枝示耻無撲扶琴清月當戶人寂
風入室長嘯無一言陶然上皇逸白玉壺冰水壺中見
底清清光洞毫髮皎潔照羣情趙北美佳政燕南播高

名過客覽行謠因之誦德聲

贈臨洺縣令皓弟

時被訟
停官

陶令去彭澤茫然太古心
大音自成曲但奏無絃琴
釣水路非遠連鰲意何深
終期龍伯國與爾相招尋

贈郭季鷹

河東郭有道於世若浮雲
盛德無我位清光獨映君
耻將雞並食長與鳳為羣
一擊九千仞相期凌紫氛

鄴中贈王大

一作鄴中王大勸入
高鳳石門山幽居

一身竟無託，遠與孤蓬征。千里失所依，復將落葉并。中
途偶良朋，問我將何行。欲獻濟時策，此心誰見明。君王
制六合，海塞無交兵。壯士伏草間，沈憂亂縱橫。飄飄不
得意，昨發南都城。紫燕櫪下一作上嘶，青萍匣中鳴。投軀
寄天下，長嘯尋豪英。耻學瑯琊人，龍蟠事躬耕。富貴吾
自取，建功及春榮。我願執爾手，爾方達我情。相知同一
已，豈惟弟與兄。抱子弄白雲，琴歌發清聲。臨別意難盡，
各希存令名。

贈華州王司士

淮水不絕濤瀾高，盛德未泯生英髦。
知君先負廟堂器，今日還須贈寶刀。

贈盧徵君昆弟

明主訪賢逸雲泉，今已空二虛竟不起。
萬乘高其風河，上喜相得壺中趣。
每同滄州即此地，觀化遊無窮水落。
海上清一作青，鰲背覩方蓬。
與君美景攜手凌星虹。

贈新平少年

韓信在淮陰少年相欺凌屈體若無骨壯心有所憑一
遭龍顏君嘯咤從此興千金荅漂母萬古共嗟稱而我
竟何為寒苦坐相仍長風入短袂兩手如懷冰故友不
相恤新交寧見矜摧殘檻中虎羈紲韝上鷹何時騰風
雲搏擊申所能

贈崔侍郎

一作御

長劍一杯酒男兒方寸心洛陽因劇孟託宿話胸襟但
仰山嶽秀不知江海深長安復攜手再顧重千金君乃

輶軒

一作軒轅

佐子叨翰墨林高風摧秀木虛彈落鷲禽不

取回舟興而來命駕尋扶搖應借力桃李願成陰笑吐

張儀舌愁為莊舄吟誰憐明月夜腸斷聽秋砧

走筆贈獨孤駙馬

都尉朝天躍馬歸香風吹人花亂飛銀鞍紫鞵照雲日

左顧右盼生光輝是時僕在金門裏待詔公車謁天子

長揖蒙垂國士恩壯心剖出酬知己一別蹉跎朝市間

青雲之交不可攀儻其公子重回顧何必侯嬴長抱關

贈嵩山焦鍊師

并序

嵩丘有神人焦鍊師者不知何許婦人也又云生
於齊梁時其年貌可稱五六十常胎息絕穀居少
室廬遊行若飛倏忽萬里世或傳其入東海登蓬
萊竟莫能測其往也余訪道少室盡登三十六峯
聞風有寄灑翰遙贈

二室凌青天三花含紫烟中有蓬海客宛疑麻姑仙道
在喧莫染跡高想已綿時餐金鷲藥

一作
蛾藥

屢讀青

一作
古

苔篇八極恣遊憩九垓長周旋下瓢酌潁水舞鶴來伊
川還歸空山上獨拂秋霞眠蘿月挂朝鏡松風鳴夜弦
潛光隱蒿嶽鍊魄棲雲幄霓裳一作何飄颻一作鳳吹
轉繇邈願同西王母下顧東方朔紫書儻可傳銘骨誓

相學

口號贈徵君鴻

此公時
被徵

陶令辭彭澤梁鴻入會稽我尋高士傳君與古人齊雲
臥留丹壑天書降紫泥不知楊伯起早晚向關西

上李邕

大鵬一日同風起，搏搖直上九萬里。
假令風歇時下來，猶能簸却滄溟水。
世人見我恆殊調，聞余大言皆冷笑。
宣父猶能畏後生，丈夫未可輕年少。

此首蕭士贊云是偽作

贈張公洲草處士

列子居鄭圃，不將衆庶分。
草侯遁南浦，常恐楚人聞。
抱甕灌秋蔬，心閒遊天雲。
每將瓜田叟，耕種漢水濱。
時登張公洲，入獸不亂羣。
井無桔槔事，門絕刺繡文。
長揖二

千石遠辭百里君斯為真隱者吾黨慕清芬

御定全唐詩卷一百六十八

欽定四庫全書

御定全唐詩卷一百六十九

李白

秋日鍊藥院鑷白髮贈元六兄林宗

木落識歲秋，瓶冰知天寒。
桂枝日已綠，拂雪凌雲端。
弱齡接光景，矯翼攀鴻鸞。
投分三十載，榮枯同所歡。
長吁望青雲，鑷白坐相看。
秋顏入曉鏡，壯髮凋危冠。
窮與鮑生賈，饑從漂母餐。
時來極天人道，在豈吟嘆樂。
毅方適。

趙蘇秦初說韓卷舒固在我何事空摧殘

書情贈蔡舍人雄

嘗高謝太傅

一作嘗聞謝安石

攜妓東山門楚舞醉碧雲吳歌

斷清猿暫因蒼生起談笑安黎元余亦愛此人丹霄冀

飛翻遭逢聖明主敢進興亡言

一本此下有娥眉積說妬魚目唾瓊璫二句

白璧竟何辜

一作本無瑕

青蠅遂成寃一朝去京國十載客

梁園猛犬吠九關殺人憤精魂皇穹雪寃枉白日開氛
昏秦階得夔龍桃李滿中原倒海索明月凌山採芳蓀

媿無橫草功虛負雨露恩跡謝雲臺閣心隨天馬轅夫
子王佐才而今復誰論層巖振六翮不日思騰騫我縱
五湖擢煙濤恣崩奔夢釣子陵湍英風一作芬緬猶存彼
徒一作希客呈隱弱植不足援千里一迴首萬里一長歌
黃鶴不復來清風愁柰何舟浮瀟湘月山倒洞庭波投
汨笑古人臨濠得天和閒時田畝中搔背牧鷄鷺別離
解相訪應在武陵多

憶襄陽舊遊贈馬少府巨

昔為大堤客曾上山公樓開牕碧嶂滿拂鏡滄江流高
冠佩雄劔長揖韓荊州此地別夫子今來思舊遊朱顏
君未老白髮我先秋壯志恐蹉跎功名若雲浮歸心結
遠夢落日懸春愁空思羊叔子隋淚峴山頭一作何時
共攜手便

醉峴
山頭

對雪獻從兄虞城宰

昨夜梁園裏寒兄不知庭前看玉樹腸斷憶連枝

訪道安陵遇蓋還為余造真籙臨別留贈

清水見白石仙人識青童安陵蓋夫子十歲與天通懸
河與微言談論安可窮能令二千石撫背驚神聰揮毫
贈新詩高價掩山東至今平原客感激慕清風學道北
海仙傳書藥珠宮丹田了玉闕白日思雲空為我草真
籙天人慙妙工七元洞豁落八角輝星虹三災蕩瓊璣
蛟龍翼微躬舉手謝天地虛無齊始終黃金滿高堂蒼
荷難克充下笑世上士沉魂北羅鄩昔日萬乘墳今成
一科蓬贈言若可重實此輕華嵩

贈崔郎中宗之

時謫官金陵

胡雁拂海翼，翱翔鳴素秋。
驚雲辭沙朔，飄蕩迷河洲。
有如飛蓬人，去逐萬里遊。
登高望浮雲，彷彿如舊丘。
日從海傍沒，水向天邊流。
長嘯倚孤劍，目極心悠悠。
歲晏歸去來，富貴安可求。
仲尼七十說，歷聘莫見收。
魯連逃千金，珪組豈可酬。
時哉苟不會，草木為我儔。
希君同攜手，長往南山幽。

贈崔諮議

綠驥本天馬素非伏櫪駒長嘶向清風倏忽凌九區何
言西北至却走東南隅世道有翻覆前期難豫圖希君
一翦拂猶可騁中衢

贈昇州王使君忠臣

六代帝王國三吳佳麗城賢人當重寄天子借高名巨
海一邊靜長江萬里清應須救趙策未肯棄侯嬴

贈別從甥高五

魚目高泰山不如一瑱璠賢甥即明月聲價動天門能

成吾宅相不減魏陽元自顧寡籌畧功名安所存五木
思一擲如繩繫窮猿櫪中駿馬空堂上醉人喧黃金久
已罄為報故交恩聞君隴西行使我驚魂魄與爾共飄
颻雲天各飛翻江水流或卷此心難具論貧家一作居羞

好客語拙覺辭繁三朝空錯莫對飯一作飲却慚寬自笑

我非夫生事多契闊蓄積萬古憤向誰得開豁天地一
浮雲此身乃毫末忽見無端倪太虛可包括去去何足
道臨岐空復愁肝膽不楚越山河亦衮裊雲龍若相從

明主會見收成功

一作若

相訪溪

一作綠

水桃花流

贈裴司馬

翡翠黃金縷繡成歌舞衣若無雲間月誰可比光輝秀
色一如此多為衆女譏君息移昔愛失寵秋風歸愁苦
不窺隣泣上流黃機天寒素手冷夜長燭復微十日不
滿匹鬢蓬亂若絲猶是可憐人容華世中稀向君發皓
齒顧我莫相違

叙舊贈江陽宰陸調

秦伯讓天下仲雍揚波濤清風蕩萬古跡與星辰高開
吳食東溟陸氏世英髦多君秉古節嶽立冠人曹風流
少年時京洛事遊遨腰間延陵劍玉帶明珠袍我昔鬪
雞徒連延五陵豪邀遮相組織呵嚇來煎熬君開萬叢
人鞍馬皆辟易告急清憲臺脫余北門厄間宰江陽邑
翦棘樹蘭芳城門何肅穆五月飛秋霜好鳥集珍木高
才列華堂時從府中歸絲管儼成行但苦隔遠道無由
共銜觴江北荷花開江南楊梅熟正好飲酒時懷賢在

心目掛席拾海月乘風下長川多沾新豐醪滿載剡溪

船中途不遇人直到爾門前大笑同一醉取樂平生年

一本作太伯讓天下仲雍揚波濤清風蕩萬古跡與星
辰高開吳食東溟陸氏世英髦夫子持峻秀岳立冠人
曹風流少年時京洛事遊遨驂驪紅陽燕玉劍明珠袍
一諾許他人千金雙錯刀滿堂青雲士望美期丹霄我
昔北門厄摧如一枝蒿有虎挾雞徒連延五陵豪邀遮
來組織呵嚇相煎熬君披萬人叢脫我如狻牢此耻竟
未刷且食綏山桃非天雨文章所祖託風騷蒼蓬老壯
髮長策未逢遭別君幾何時君無相思否鳴琴坐高樓
淥水淨窓牖政成聞雅頌人吏皆拱手投刀有餘地迴
車攝江陽錯雜非易理先威挫豪強城門向肅穆五月
飛秋霜好鳥集珍木高才列華堂時從府中歸絲管儼
成行但苦隔遠道無由共銜觴江北荷花開江南楊梅

鮮挂席拾海月乘風下長川多沽新豐醪滿載剡溪船
中途不遇人直到灞門前大笑同一醉取樂平生年

贈從孫義興宰銘

天子思茂宰天枝得英才朗然清秋月獨出映吳臺落
筆生綺繡操刀振風雷蝮屈雖百里鵬騫望三台退食
無外事琴堂向山開綠水寂以閒白雲有時來河陽富
奇藻彭澤縱名杯所恨不見之猶如仰昭回元惡昔滔
天疲人散幽草驚川無活鱗舉邑罕遺老誓雪會稽耻
將奔宛陵道亞相素所重投刀應桑林獨坐傷激揚神

融一開襟絃歌欣再理和樂醉人心蠹政除害馬傾巢
有歸禽壺漿候君來聚舞共謳吟農人棄蓑笠蠶女隨
纓簪歡笑相拜賀則知惠愛深
亞相李公重之以能政
中丞李公免罷以移官
歷職吾所聞稱賢爾為最化洽一邦上名馳三江外峻
節貫雲霄通方堪遠大能文變風俗好客留軒蓋他日
一來遊因之嚴光瀨

草創大還贈柳官迪

天地為橐籥周流行太易造化合元符交媾騰精魄自

然成妙用孰知其指的羅絡四季間綿微無一隙日月
更出沒雙光豈云隻姹女乘河車黃金充轅軹執樞相
管轄摧伏傷羽翮朱鳥張炎威白虎守本宅相煎成苦
老消鑠凝津液髣髴明窗塵死灰同至寂擣一作鑄冶入

赤色十二周律歷赫然稱大還與道本無隔白日可撫
弄清都在咫尺北艷落死名南斗上生籍抑予是何者
身在方士格才術信縱橫世途自輕擲吾求仙棄俗君
曉損勝益不向金闕遊思為玉皇客鸞車速風電龍騎

無鞭策一舉上九天相攜同所適

贈崔司戶文昆李

雙珠出海底俱是連城珍
明月兩特達餘輝傍照人
英聲振名都高價動殊鄰
豈伊箕山故特以風期親
惟昔不自媒擔簦西入秦
攀龍九天上忝列歲星臣
布衣侍丹墀密勿草絲綸
才微惠渥重讒巧生緇磷
一去已十載今來復盈旬
清霜入曉鬢白露生衣中
側見綠水亭開門列華茵
千金散義士四坐無凡賓
欲折月中桂持

一作
特 為寒者薪路傍已竊笑天路將何因垂恩儻丘山
報德有微身

贈漂陽宋火府陔

李斯未相秦且逐東門兔宋玉事襄王能為高唐賦常
聞綠水曲忽此相逢遇掃灑青天開豁然披雲霧藏蕤
紫鸞鳥巢在岷山樹驚風西北吹飛落南溟去早懷經
濟策特受龍顏白玉棲青蠅君臣忽行路人生感分
義貴欲呈丹素何日清中原相期廓天步

戲贈鄭溧陽

陶令日日醉不知五柳春素琴本無絃
漉酒用葛巾清風北牕下自謂羲皇人
何時到栗里一見平生親

贈僧崖公

昔在朗陵東學禪白眉空大地了鏡徹
迴旋寄輪風攬彼造化力持為我神通
晚謁泰山君親見日沒雲中夜臥山月
一作夜卧雪上月拂衣逃人羣
投余金仙道曠劫未始聞冥機發
天光獨朗謝垢氛虛舟不繫物觀化
遊江濱

江濱遇同聲道崖乃僧英說法動海嶽遊方化公卿手
秉玉麈尾如登白樓亭微言注百川疊疊信可聽一風
鼓羣有萬籟各自鳴啓閉入牕牖託宿掣雷霆自言歷
天台搏壁躡翠屏凌兢石橋去恍惚入青冥昔往今來
歸絕景無不經何日更攜手乘杯向蓬瀛

遊溧陽北湖亭望瓦屋山懷古贈同旅

一作贈
孟浩然

朝登北湖亭遙望瓦屋山天清白露下始覺秋風還遊
子託主人仰觀眉睫間目色送飛鴻邈然不可攀長吁

相勸勉何事來吳關聞有貞義女振窮深水灣清光丁
在眼白日如披顏高墳五六墩率兀棲猛虎遺跡翳九
泉芳名動千古子胥昔乞食此女傾壺漿運開展宿憤
入楚鞭平王凜冽天地間聞名若懷霜壯夫或未達十
步九太行與君拂衣去萬里同翱翔

醉後贈從甥高鎮

馬上相逢揖馬鞭客中相見客中憐欲邀擊筑悲歌飲
正值傾家無酒錢江東風光不借人枉殺落花空自春

黃金逐手快意盡昨日破產今朝貧丈夫何事空嘯傲
不如燒却頭上巾君為進士不得進我被秋霜生旅鬢
時清不及英豪人三尺童兒重廉藺匣中盤劍裝鰐音
錯又音魚閒在腰間未用渠且將換酒與君醉醉歸託宿

吳專諸

贈秋浦柳少府

秋浦舊蕭索公庭人吏稀因君樹桃李此地忽芳菲搖
筆望白雲開簾當翠微時來引山月縱酒酣清暉而我

愛夫子淹留未忍歸

贈崔秋浦三首

吾愛崔秋浦宛然陶令風
門前五楊柳井上二梧桐
山鳥下廳事簷花落酒中
懷君未忍去惆悵意無窮

崔令學陶令北牕常晝眠
抱琴時弄月取意任無絃
見客但傾酒為官不愛錢
東臯春事起種黍早歸田

一作東臯

多種黍勸爾早耕田

河陽花作縣秋浦玉為人
地逐名賢好風隨惠化春水

從天漢落山逼畫屏新應念金門客投沙弔楚臣

望九華贈青陽韋仲堪

昔在九江上遙望九華峰天河掛綠水秀出芙蓉我
欲一揮手誰人可相從君為東道主於此臥雲松

御定全唐詩卷一百六十九

欽定四庫全書

御定全唐詩卷一百七十

李白

贈王判官時余歸隱居廬山屏風疊

昔別黃鶴樓蹉跎淮海秋俱飄零落葉各散洞庭流中
年不相見蹭蹬遊吳越何處我思君天台綠蘿月會稽
風月好却遠剡溪迴雲山海上出人物鏡中來一度浙
江北十年醉楚臺荆門倒屈宋梁苑傾鄒枚苦一作笑
若

我誇誕知音安在哉大盜割鴻溝如風掃秋葉吾非濟
代人且隱屏風疊中夜天中望憶君思見君明朝拂衣
去永與海鷗羣

在水軍宴贈幕府諸侍御

月化五白龍翻飛凌九天胡沙驚北海電掃落陽川虜
箭雨宮闕皇輿成播遷英王受廟略秉鉞清南邊雲旗
卷海雪金戟羅江煙聚散百萬人弛張在一賢霜臺降
羣彥水國奉戎旃繡服開宴語天人借樓船如登黃金

臺遙謁紫霞仙卷身編蓬下冥機四十年寧知草間人
腰下有龍泉浮雲在一決誓欲清幽燕願與四座公靜
談金匱篇齊心戴朝恩不惜微軀捐所冀旄頭滅功成
追魯連

贈武十七諤

并序

門人武諤深於義者也質本沉悍慕要離之風潛
釣川

江一作

海不數數於世間事聞中原作難西來

訪

一作謁

余余愛子伯禽在魯許將冒胡兵以致之

酒酣感激援筆而贈

馬如一匹練明日過吳門
乃是要離客西來欲報恩
笑開燕匕首拂拭竟無言
狄犬吠清洛天津成塞垣
愛子隔東魯空悲斷腸猿
林回棄白璧千里阻同奔
君為我致之輕齎涉淮源
精誠合天道不媿遠遊

一作魂
鄧攸

贈閭丘宿松

阮籍為太守乘驢上東平
剖竹十日間一朝風化清
偶來拂衣去誰測主人情
夫子理宿松浮雲知古城
掃地

物莽然秋來百草生飛鳥還舊巢遷人返躬耕何慙宓
子賤不減陶淵明吾知千載後却掩二賢名

獄中上崔相渙

胡馬渡洛水血流征戰場千門閉秋景萬姓危朝霜賢
相燮元氣再欣海縣康台庭有變龍列宿繁成行羽翼
三元聖發輝兩太陽應念覆盆下雪泣拜天光

中丞宋公以吳兵三千赴河南軍次尋陽脫余
之囚叅謀幕府因贈之

獨坐清天下專征出海隅
九江皆渡虎三郡盡還珠
組練明秋浦樓船入郢都
風高初選將月滿欲平胡
殺氣橫千里軍聲動九區
白猿慙劒術黃石借兵符
戎虜行當翦鯨鯢立可誅
自憐非劇孟何以佐良圖

流夜郎贈辛判官

昔在長安醉花柳五侯七貴同
杯酒氣岸遙凌豪士前
風流肯落他人後夫子紅顏我
少年章臺走馬著金鞭
文章獻納麒麟殿歌舞淹留玳瑁筵
與君自謂長如此

寧知草動風塵起，函谷忽驚胡馬來。
秦宮桃李向明一作胡開，我愁遠謫夜郎去。何日金雞放赦回。

贈劉都使

東平劉公幹，南國秀餘芳。
一鳴即朱紱，五十佩銀章。
飲冰事戎幕，衣錦華水鄉。
銅官幾萬人，諍訟清玉堂。
吐言貴珠玉，落筆迴風霜。
而我謝明主，銜哀投夜郎。
歸家酒債多，門客粲成行。
高談滿四座，一日傾千觴。
所求竟無緒，裘馬欲摧藏。
主人若不顧，明發釣滄浪。

贈常侍御

安石在東山無心濟天下一
起振橫流功成復瀟灑大
賢有卷舒季葉輕風雅
匪復屬何人君為知音者
傳聞武安將氣振長平瓦
燕趙期洗清周秦保宗社
登朝若有言為訪南遷賈

贈易秀才

火年解長劍投贈即分離
何不斷犀象精光暗往時
蹉跎君自惜竄逐我因誰
地遠虞翻老秋深宋玉悲
空摧

芳桂色不屈古松姿感激平生意勞歌寄此辭

經亂離後天恩流夜郎憶舊遊書懷贈江夏韋

太守良宰

天上白玉京十二樓五城仙人撫我頂結髮受長生
誤逐世間樂頗窮理亂情九十六聖君浮雲挂空名
天地賭一擲未能忘戰爭試涉霸王略將期軒冕榮
時命乃大謬棄之海上行學劍翻自哂為文竟何成
劍非萬人敵文竊四海聲兒戲不足道五噫出西京
臨當欲去時

慷慨淚沾纓嘆君個儻才標舉冠羣英開筵引祖帳慰
此遠徂征鞍馬若浮雲送余驃騎亭歌鍾不盡意白日
落昆明十月到幽州戈鋌若羅星君王棄北海掃地借
長鯨呼吸走百川燕然可摧傾心知不得語却欲棲蓬
瀛彎弧懼天狼挾矢不敢張攬涕黃金臺呼天哭昭王
無人貴駿骨騷耳空騰驤樂毅儻再生于今亦奔亡蹉
跎不得意驅馬還貴鄉逢君聽弦歌肅穆坐華堂百里
獨太古陶然臥羲皇徵樂昌樂館開筵列壺觴賢豪間

青娥對燭儼成行
醉舞紛綺席清歌
統飛梁歡娛未終
朝秩滿歸咸陽祖
道擁萬人供帳遙
相望一別隔千里
榮枯異炎涼炎涼
幾度改九土中橫
潰漢甲連胡兵沙
塵暗雲海草木搖
殺氣星辰無光彩
白骨成丘山蒼生
竟何罪函關壯帝
居國命懸哥舒長
戟三十萬開門納
克渠公卿如犬羊
忠讜醢與殖二聖
出遊豫兩京遂丘
墟帝子許專征秉
旄控強楚節制非
桓文軍師擁熊虎
人心失去就賊勢
騰風雨惟君固房
陵誠節冠終古僕

臥香爐頂餐霞漱瑤泉門開九江轉枕下五湖連半夜
水軍來潯陽滿旃旃空名適自誤迫脅上樓船徒賜五
百金棄之若浮煙辭官不受賞讎謫夜郎天夜郎萬里
道西上令人老掃蕩六合清仍為負霜草日月無偏照
何由訴蒼昊良牧稱神明深仁恤交道一忝青雲客三
登黃鶴樓顧慙禰處士虛對鸚鵡洲樊山霸氣盡寥落
天地秋江帶峨眉雪川橫三峽流萬舸此中來連帆過
揚州送此萬里目曠然散我愁紉窗倚天開水樹綠如

髮窺日畏銜山促酒喜得月吳娃與越艷窈窕誇鉛紅
呼來上雲梯含笑出簾櫳對客小垂手羅衣舞春風賓
跪請休息主人情未極覽君荆山作江鮪堪動色清水
出芙蓉天然去雕飾逸興橫素襟無時不招尋朱門擁
虎士列戟何森森剪鑿竹石開滢流漲清深登臺坐水
閣吐論多英音片辭貴白璧一諾輕黃金謂我不愧君
青鳥明丹心五色雲間鵲飛鳴天上来傳聞赦書至却
放夜郎迴暖氣變寒谷炎煙生死灰君登鳳池去忽棄

賈生才桀犬尚吠堯
匈奴笑千秋中夜四五歎
常為大國憂
旌旆夾兩山
黃河當中流
連雞不得進
飲馬空夷猶
安得羿善射
一箭落旄頭

江夏使君叔席上贈史郎中

鳳凰丹禁裏
銜出紫泥書
昔放三湘去
今還萬死餘
仙郎久為別
客舍問何如
涸轍思流水
浮雲失舊居
多慙華省貴
不以逐臣踈
復如竹林下
叨陪芳宴初
希君生羽翼
一化北溟魚

博平鄭太守自廬山千里相尋入江夏北市門
見訪却之武陵立馬贈別

大梁貴公子氣蓋蒼梧雲若無三千客誰道信陵君救
趙復存魏英威天下聞邯鄲能屈節訪博從毛薛夷門
得隱淪而與侯生親仍要鼓刀者乃是袖槌人好士不
盡心何能保其身多君重然諾意氣遙相託五馬入市
門金鞍照城郭都忘虎竹貴且與荷衣樂去去桃花源
有時見歸軒相思無終極腸斷朗江猿

江上贈竇長史

漢求季布魯朱家楚逐伍胥去章華萬里南遷夜郎國
三年歸及長風沙聞道青雲貴公子錦帆遊戲西江水
人疑天上坐樓船水淨霞明兩重綺相約相期何太深
棹歌搖艇月中尋不同珠履三千客別欲論交一片心

贈王漢陽

天落白一作上躡玉棺王喬辭葉縣一去未千年漢陽復相

見猶乘飛鳧鳥尚識仙人面鬢髮何青青童顏皎如練

吾曾弄海水清淺嗟三變果慳麻姑言時光速流電與
君數杯酒可以窮歡宴白雲歸去來何事坐交戰

贈漢陽輔錄事二首

聞君罷官意我抱漢川湄借問久踈索何如聽訟時天
清江月白心靜海鷗知應念投沙客空餘弔屈悲

鸚鵡洲橫漢陽渡水引寒煙沒江樹南浦登樓不見君
君今罷官在何處漢口雙魚白錦鱗令傳尺素報情人
其中字數無多少祇是相思秋復春

江夏贈韋南陵水

胡驕馬驚沙塵起胡雛飲馬天津水君為張掖近酒泉
我竄三巴九千里天地再新法令寬夜郎遷客帶霜寒
西憶故人不可見東風吹夢到長安寧期此地忽相遇
驚喜茫如隨煙霧玉簫金管喧四筵苦心不得申長句
昨日繡衣傾綠尊病如桃李竟何言昔騎天子大宛馬
今乘欵段諸侯門賴遇南平豁方寸復兼夫子持清論
有似山開萬里雲四望青天解人悶人悶還心悶苦辛

長苦辛愁來飲酒二千石寒灰重暖生陽春山公醉後
能騎馬別是風流賢主人頭陀雲月多僧氣山水何曾
稱人意不然一作能鳴笳按鼓戲滄流呼取江南女兒歌
權謳我且為君槌碎黃鶴樓君亦為吾倒却鸚鵡洲赤
壁爭雄如夢裏且須歌舞寬離憂

贈盧司戶

秋色無遠近出門盡寒山白雲遙相識待我蒼梧間借
問盧耽鶴西飛幾歲還

贈從弟南平太守之遙二首

少年不得意落魄無安居願隨任公子欲釣吞舟魚常
時飲酒逐風景壯心遂與功名疎蘭生谷底人不鋤雲
在高山空卷舒漢家天子馳駟馬赤車蜀道迎相如天
門九重謁聖人龍顏一解四海春彤廷左右呼萬歲拜
賀明主收沉淪翰林秉筆回英眄麟閣崢嶸誰可見承
恩初入銀臺門一作侍從
甘泉宮著書獨在金鑾殿龍駒雕鏤
白玉鞍象牀綺席黃金盤當時笑我微賤者却來請謁

為交歡一朝謝病遊江海疇昔相知幾人在前門長揖
後門關今日結交明日改愛君山岳心不移隨君雲霧
迷所為夢得池塘生春草使我長價登樓詩別後遙傳
臨海作可見羊何共和之

東平與南平今古兩步兵素心愛美酒不是顧專城謫
官桃源去尋花幾處行秦人如舊識出戶笑相迎

南平
時因

飲酒過度
貶武陵

贈潘侍御論錢少陽

繡衣柱史何昂藏鐵冠白筆橫秋霜三軍論事多引納
堦前虎士羅千將雖無二十五老者且有一翁錢少陽
眉如松雪齊四皓調笑可以安儲皇君能禮此最下士
九州拭目瞻清光

贈柳圓

竹實滿秋浦鳳來何苦飢還同月下鵲三統未安枝夫
子即瓊樹傾柯拂羽儀懷君戀明德歸去日相思

流夜郎半道承恩放還兼欣尅復之美書懷示

息秀才

黃口為人羅白龍乃魚服得罪豈怨天以愚陷網目鯨

鯢未翦滅豺狼

一作虎

屢翻覆悲作楚地囚何日

一作由

秦

庭哭遭逢二明主前後兩遷逐去國愁夜郎投身竄荒

谷半道雪屯蒙曠如鳥出籠遙欣剋復美光武安可同

天子巡劔閣儲皇守扶風揚袂正北辰開襟攬羣雄胡

兵出月窟雷破關之東左掃因右拂旋收洛陽宮迴輿

入咸京席卷六合通叱咤開帝業

一作宇

手成天地功大

駕還長安兩日忽再中一朝讓寶位劔璽傳無窮媿無
秋毫力誰念矍鑠翁弋者何所慕高飛仰冥鴻棄劔學
丹砂臨壚雙玉童寄言息夫子歲晚陟方蓬

贈張相鎬二首

時逃難在宿松山作蕭士
贇云此下八首非白作

神器難竊弄天狼窺紫宸六龍遷白日四海暗胡塵昊
穹降元宰君子方經綸澹然養浩氣欵起持大鈞秀骨
象山嶽英謀合鬼神佐漢解鴻門生唐為後身擁旄秉
金鉞伐鼓乘朱輪虎將如雷霆總戎向東巡諸侯拜馬

首猛士騎鯨鱗澤被魚鳥悅令行草木春聖智不失時
建功及良辰醜虜安足紀可貽悵與巾倒瀉濱海珠盡
為入幕珍馮異獻赤伏鄧主倏來臻庶同昆陽舉再覩
漢儀新昔為管將鮑中奔吳隔秦一生欲報主百代期
榮親其事竟不就哀哉難重陳臥病宿松山

一作古
松滋 蒼

茫空四隣風雲激壯志枯槁驚常倫聞君自天來目張

氣益振亞夫得劇孟敵

一作七

國空

一作定

無人捫蝨對桓

公願得論悲辛大塊方噫氣何辭鼓青蘋斯言儻不合

歸老漢江濱

本家隴西人先為漢邊將功略蓋天地名飛青雲上苦

戰竟不侯富

一作當

年頗惆悵世傳崆峒勇氣激金風壯

英烈遺厥孫百代神猶王十五觀竒書作賦凌相如龍

顏惠殊寵麟閣憑天居

一作侍從承明廬

晚途未云已蹭蹬遭

讒毀想像晉末時崩騰胡塵起衣冠陷鋒鏑戎虜盈

一作

荆棘生

朝市石勒窺神州劉聰劫天子撫劔夜吟嘯雄心

日千里誓欲斬鯨鯢澄清洛陽水六合

一作三台

灑霖雨萬

物一作六合無彫枯我揮一杯水自笑何區區因人耻成事

貴欲決良圖滅虜不言功飄然陟一作向蓬壺惟有安期

爲留之滄海隅

聞謝楊兒吟猛虎詞因此有贈

同州隔秋浦聞吟猛虎詞晨朝來借問知是謝楊兒

宿清溪主人

夜到清溪宿主人碧巖裏蒼楹挂星斗枕席響風水月

落西山時啾啾夜猿起

繫尋陽上崔相渙三首

邯鄲四十萬同日陷長平能迴造化筆或異一人生

毛遂不隨井曾參寧殺人虛言誤公子投杼惑慈親白

璧雙明月方知一玉真

虛傳一片雨枉作陽臺神縱為夢裏相隨去不是襄王

傾國人

此首蕭士贇云非上崔相

巴陵贈賈舍人

賈生西望憶京華湘浦南遷莫怨嗟聖主恩深漢文帝

憐君不遣到長沙

御定全唐詩卷一百七十

欽定四庫全書

御定全唐詩卷一百七十一

李白

贈別舍人弟臺卿之江南

去國客行遠還山秋夢長
梧桐落金井一葉飛銀牀
覺罷攬明鏡鬢毛颯已霜
良圖委蔓草古貌成枯桑
欲道心下事時人疑夜光
因為洞庭葉飄落之瀟湘
令弟經濟士謫居我何傷

一作出門見我傷

潛虬隱尺水著論談興亡

客遇

一作云見

王子喬口傳不死方入洞過天地登真朝玉

皇吾將撫爾背揮手遂翱翔

一作凌蒼蒼

醉後贈王歷陽

歷陽和州也

書禿千兔毫詩裁兩牛腰筆蹤起龍虎舞袖拂雲霄雙

歌二胡姬更奏遠清朝舉酒挑朔雪從君不相饒

贈歷陽褚司馬

時此公為稚子舞故作是詩

北堂千萬壽侍奉有光輝先同稚子舞更著老萊衣因
為小兒啼醉倒月下歸人間無此樂此樂世中稀

對雪醉後贈王歷陽

有身莫犯飛龍鱗，有手莫撻猛虎鬚。
君省昔日汝南市，白頭仙人隱玉壺。
子猷聞風動窻竹，相邀共醉杯中綠。
歷陽何異山陰時，白雪飛花亂人目。
君家有酒我何愁，客多樂酣秉燭遊。
謝尚自能鸛鶴舞，相如免脫鸛鶴裘。
清晨一作罷鼓櫂過江去，千里相思明月樓。
一作他日西

贈宣城宇文太守兼呈崔侍御

白若白鷺鮮，清如清唳蟬。
受氣有本性，不為外物遷。
飲

水箕山上食雪首陽顛迴車避朝歌掩口去盜泉岩窺
廣成子侗魯仲連卓絕二公外丹心無間然昔攀六
龍飛今作百鍊鉛懷恩欲報主投佩向北燕彎弓綠弦
開滿月不憚堅閒騎駿馬獵一射兩虎穿回旋若流光
轉背落雙鳶胡虜三嘆息兼知五兵權鎗鎗突雲將却
掩戎之妍多逢勦絕兒先著祖生鞭據鞍空矍鑠壯志
竟誰宣蹉跎復來歸憂恨坐相煎無風難破浪失計長
江邊危苦惜頽光金波忽三圓時遊敬亭上閒聽松風

眠或弄宛溪月虛舟信洄沿顏公二一作十萬盡付酒

家錢興發每取之聊向醉中仙一作眠過此無一事靜談

秋水篇君從九卿來水國有豐年魚鹽滿市井布帛如

雲煙下馬不作威水壺照清川霜眉邑中叟皆美太守

賢時時慰風俗往往出東田竹馬數小兒拜迎白鹿前

含笑問使君日晚可迴旋遂歸池上酌掩抑清風絃曾

標橫浮雲下撫謝眺肩樓高碧海出樹古青蘿懸光祿

紫霞杯伊昔忝相傳良圖掃沙漠別夢繞旌旃富貴日

成踈願言杳無緣登龍有直道倚玉阻芳筵敢獻繞朝
策思同郭泰船何言一水淺似隔九重天崔生何傲岸
縱酒復談玄身為名公子英才苦迤邐鳴鳳託高梧凌
風何翩翩安知慕羣客彈劍拂秋蓮

贈宣城趙太守悅

趙得寶符盛山河功業存三千堂上客出入擁平原六
國揚清風英聲何喧喧大賢茂遠業虎竹光南藩錯落
千丈松虬龍盤古根枝下無俗草所植唯蘭蓀憶在南

陽時始承國士恩公為柱下史脫繡歸田園伊昔簪白
筆幽都逐遊魂持斧冠三軍霜清天北門差池宰兩邑
鷄立重飛翻焚香入蘭臺起草多芳言夔龍一顧重矯
翼凌翔鷁赤縣揚雷聲彊項聞至尊驚飈頽秀木跡屈
道彌敦出牧歷三郡所居猛獸奔遷人同衛鶴謬上懿
公軒自笑東郭履側慙狐白溫閒吟步竹石精義忘朝
昏顛顛成醜士風雲何足論獼猴騎土牛羸馬夾雙轅
願借羲皇景為人照覆盆溟海不振蕩何由縱鵬鷗所

期玄

一作要

津白

一作日

個儻假騰騫

贈從弟宣州長史昭

淮南

一作北

望江南千里碧山對我行倦

一作盡

過之半落

青天外宗英佐雄郡水陸相控帶長川豁中流千里瀉

吳會君心亦如此包納無小大搖筆起風霜推誠結仁

愛訟庭垂桃李賓館羅軒蓋何意蒼梧雲飄然忽相會

才將聖不偶命與時俱背獨立山海間空老聖明代知

音不易得撫劔增感慨當結九萬期中途莫先退

於五松山贈南陵常贊府

為草當作蘭為木當作松
蘭秋香風遠松寒不改容
松蘭相因依蕭艾徒丰茸
雞與雞並食鸞與鸞同枝
揀珠去沙礫但有珠相隨
遠客投名賢直堪寫懷抱
若惜方寸心待誰可傾倒
虞卿棄趙相便與魏齊行
海上五百人同日死田橫
當時不好賢豈傳千古名
願君同心人於我少留情
寂寂還寂寂出門迷所適
長缺歸來乎一作

長劍歌 歸來 秋風思歸客

自梁園至敬亭山見會公談陵陽山水兼期同

遊因有此贈

我隨秋風來
瑤草恐哀歌
中途寡名山
安得弄雲月
渡江如昨日
黃葉向人飛
敬亭愜素尚
弭權流清輝
冰谷明且秀
陵巒抱江城
粲粲吳與史
衣冠耀天京
水國饒英竒
潛光臥幽草
會公真名僧
所在即為寶
開堂振白拂
高論橫青雲
雪山掃粉壁
墨客多新文
為余話幽棲
且述陵陽美
天開白龍潭
月映清秋水
黃山望石柱
突

兀誰開張

一作白柱撞星
漢西厓誰開張

黃鶴久不來子安在蒼茫東

南馬可窮山鳥飛絕處

一作發於
絕行處

稠疊千萬峰相連入

雲去聞此期振策歸來空閉關相思如明月可望不可
攀何當移白足早晚凌蒼山且寄一書札令子解愁顏

贈友人三首

蘭生不當戶別是閒庭草風被霜露欺紅榮已先老
接瑤華枝結根君王池顧無馨香美叨沐清風吹餘芳
若可佩卒歲長相隨

袖中趙匕首買自徐夫人玉匣閉霜雪經燕復歷秦其

事竟不捷淪落歸沙塵持此願投贈與君同急難

一作歲寒

荆卿一去後壯士多摧殘長號易水上為我揚波瀾鑿

井當及泉張帆當濟川廉夫唯重義駿馬不勞鞭人生

貴相知何必金與錢

慢世薄功業非無胷中畫譁浪萬古賢以為兒童劇立

產如廣費匡君懷長策但苦山北寒誰知一作分道南宅

歲酒上逐風霜鬢兩邊白蜀主思孔明晉家望安石時

人一作來列五鼎談笑期一擲虎伏被胡塵漁歌遊海濱

敝裘耻妻嫂長劔託交親夫子秉家義羣公難與隣莫持西江水空許東溟臣他日青雲去黃金報主人

陳情贈友人

延陵有寶劔價重千黃金觀風歷上國暗許故人深歸來挂墳松萬古知其心懦夫感達節壯士一作氣激青一作

素衿鮑生薦夷吾一舉置齊相斯人無良朋豈有青雲

望臨財不苟取推一作揣分固辭讓後世稱其賢英風邈

難尚論交。但若此友道。孰云喪多。君騁逸藻。掩映當時。
人舒文振。頽波秉德。冠彛倫卜居。乃此地共井。為比鄰。
清琴弄雲月。美酒娛冬春。薄德中見捐。忽之如遺塵。英
豪未豹變。自古多艱辛。他人縱以踈。君意宜獨親。柰何
成離居。相去復幾許。飄風吹雲霓。蔽目不得語。投珠冀
相一作報。按劍恐相距。所思採芳蘭。欲贈隔荆一作渚。
沈憂心若醉。積恨淚如雨。願假東璧輝。餘光照貧女。

贈從弟列

楚人不識鳳重

一作高

價求山雞獻主昔云是今來方覺

迷自居漆園北久別咸陽西風飄落日去節變流鶯啼

桃李寒未開幽關豈來

一作成

蹊逢君發花萼若與青雲

齊及此桑葉綠春蠶起中閨日出布穀鳴田家擁鋤犁
顧余乏尺土東作誰相攜傳說降霖雨公輸造雲梯
戎事未息君子悲塗泥報國有長策成功羞執珪無由
謁明主杖策還蓬藜他年爾相訪知我在磻溪

贈閭丘處士

賢人有素業乃在沙塘陂竹影掃秋月荷衣一作落花落古

池閒讀山海經散帙臥遙帷且耽田家樂遂曠林中期

野酌勸芳酒園蔬烹露葵如能樹桃李為我結茅茨

贈錢徵君少陽

一作送趙雲卿

白玉一杯酒綠楊三月時春風餘幾日兩鬢各成絲秉

燭唯須飲投竿也未遲如逢渭川一作水獵猶可帝王師

贈宣州靈源寺仲澹公

敬亭白雲氣秀色連蒼梧下映雙溪水如天落鏡湖此

中積龍象獨許濬公殊風韻逸江左文章動海隅觀心
同水月解領得明珠今日逢支遁高談出有無

贈僧朝美

水客凌洪波長鯨湧溟海百川隨龍舟嗟吸竟安在中
有不死者探得明月珠高價傾宇宙餘輝照江湖芭卷
金縷褐蕭然若空無誰人識此寶竊笑有狂夫了心何
言說各勉黃金軀

贈僧行融

梁有湯惠休常從鮑照遊峨眉史懷一獨映陳公出卓
絕二道人結交鳳與麟行融亦俊發吾知有英骨海若
不隱珠驪龍吐明月大海乘虛舟隨波任安流賦詩旃
檀閣縱酒鸚鵡洲待我適東越相攜上白樓

贈黃山胡公求白鷗

并序

聞黃山胡公有雙白鷗蓋是家雞所伏自小馴狎
了無驚猜以其名呼之皆就掌取食然此鳥耿介
尤難畜之余平生酷好竟莫能致而胡公輟贈於

我唯求一詩聞之欣然適會宿意因援筆三叫文
不加點以贈之

請以雙白璧買君雙白鷗白鷗白如錦白雪耻容顏照
影玉潭裏刷毛琪樹間夜棲寒月靜朝步落花閒我願
得此鳥玩之坐碧山胡公能輟贈籠寄野人還

登敬亭山南望懷古贈竇主簿

敬亭一迴首目盡天南端仙者五六月人常聞此遊盤谿
流琴高水石聳麻姑壇白龍降陵陽黃鶴呼子安羽化

騎日月雲行翼駕一作鷲下視宇宙間四溟皆一作空波

瀾汰絕目下事從之復何難百歲落半途前期浩漫漫
彊食不成味清晨起長嘆願隨子明去鍊火燒金丹

經亂後將避地剡中留贈崔宣城

雙鵝飛洛陽五馬渡江徼何意上東門胡雛更長嘯中
原走豺虎烈火焚宗廟太白晝經天頽陽掩餘照王城
皆蕩覆世路成奔峭四海望長安頰眉寡西笑蒼生疑
落葉白骨空相弔連兵似雪山破敵誰能料我垂北溟

翼且學南山豹
崔子賢主人歡
娛每相召胡牀
紫玉笛却坐青
雲叫楊花滿州
城置酒同臨眺
忽思剡溪水石
遠清妙雪盡天
地明風開湖山
貌悶為洛生詠
醉發吳越調赤
霞動金光日足
森海嶠獨散萬
古意閒垂一溪
釣援近天上啼
人移月邊權無
以墨綬苦求求
丹砂要華髮長
折腰將貽陶公
誚

獻從叔當塗宰陽水

金鏡覆六國
亡新亂天經
焉知高光起
自有羽翼生
蕭

曹安峴屹耿賈摧欃槍吾家有季父傑出聖代英雖無
三台位不借四豪名激昂風雲氣終協龍虎精弱冠燕
趙來賢彥多逢迎魯連善談笑李布折公卿遙知禮數
絕常恐不合并惕想結宵夢素心久已冥顧慙青雲器
謬奉玉樽傾山陽五百年綠竹忽再榮高歌振林木大
笑喧雷霆落筆灑篆文崩雲使人驚吐辭又炳煥五色
羅華星秀句滿江國高才揆天庭宰邑艱難時浮雲空
古城居人若薙草掃地無纖莖惠澤及飛走農夫盡歸

耕廣漢水萬里長流玉琴聲雅頌播吳越還如秦階平
小子別金陵來時白下亭羣鳳憐客鳥差池相哀鳴各
拔五色毛意重泰山輕贈微所費廣斗水澆長鯨彈劍
歌苦寒嚴風起前楹月銜天門曉霜落牛渚清長歎即
歸路臨川空屏營

書懷贈南陵常贊府

歲星入漢年方朔見明主調笑當時人中天謝雲雨一
去麒麟閣遂將朝市乖故交不過門秋草日上階當時

何特達獨與我心諧置酒凌歌臺歡娛未曾歇歌動白
紵山舞迴天門月問我心中事為君前致辭君看我才
能何似魯仲尼大聖猶不遇小儒安足悲雲南五月中
頻喪渡瀘師毒草殺漢馬張兵奪雲一作秦旗至今西二

河流血擁僵屍將無七擒畧魯女惜園葵咸陽天下樞
累歲人不足雖有數斗玉不如一盤粟賴得契宰衡持
鈞慰風俗自顧無所用辭家方來歸霜驚壯士髮淚滿
逐臣衣以此不安席蹉跎身世違終當滅衛謗不受魯

人譏

贈汪倫

白遊涇縣桃花潭村人
汪倫常醞美酒以待白

李白乘舟將欲行
忽聞岸上踏歌聲
桃花潭水深千尺
不及汪倫送我情



御定全唐詩卷一百七十一